

ՀԱՇՎԵՏՎՈՒԹՅՈՒՆ

2024 թվականի հունիսի 25-ից 27-ը Ռուսաստանի Դաշնության Վերին Լարսի անցակետ ՀՀ ՊԵԿ Պետական սահմանի ցամաքային անցման կետերում մաքսային սպասարկման և հսկողության վարչության աշխատակիցների գործուղման արդյունքների մասին

1. Անունը, ազգանունը, զբաղեցրած պաշտոնը

- 1) Ղամբարյան Արտաշես, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետ
- 2) Մնացականյան Տիգրան, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետի տեղակալ
- 3) Ավետիսյան Հայկ, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետի տեղակալ
- 4) Հարությունյան Արմեն, ՀՀ Պետական եկամուտների կոմիտեի պետական սահմանի ցամաքային անցման կետերում մաքսային սպասարկման և հսկողության վարչության պետի տեղակալ

2. Գործուղման վայրը և ժամկետները՝

Ռուսաստանի Դաշնություն, Վերին Լարսի անցակետ, 2024 թվականի հունիսի 25-ից 27-ը

3. Հրավիրող կողմը՝

Ռուսաստանի Դաշնության դաշնային մաքսային ծառայություն

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Քննարկել երկու երկրների միջև տեղափոխվող ապրանքների և տրանսպորտային միջոցների մաքսային ձևակերպումների և մաքսային հսկողության

հետ կապված գործառնությունների իրականացման ընթացքում երկուստեք հետաքրքրություն և կարևորություն ներկայացնող հարցեր, իրականացնել ցամաքային անցման կետերի մաքսային մարմինների աշխատանքների կազմակերպման փորձի փոխանակում:

Իրականացվել են քննարկումներ, կարծիքների փոխանակում:

Հանդիպման աշխատանքային լեզուն ռուսերենն էր:

5. Քննարկված թեմաները՝

Հանդիպման ժամանակ մանրամասն քննարկվել են հետևյալ թեմաները.

- 1) Մաքսային սահմանով տեղափոխվող ապրանքների կարգավիճակի որոշման և հաստատման ժամանակ Եվրասիական տնտեսական միության մաքսային օրենսդրության պահանջների պահպանման անհրաժեշտության, մաքսային մարմիններին ներկայացվող փաստաթղթերի և տեղեկությունների ճշտության և հավաստիության ստուգման վերաբերյալ,
- 2) Մաքսային հսկողության ընթացքում մաքսային հսկողության ապահովման միջոցների (այդ թվում՝ ռենտգեն տեսազննման համակարգերի) կիրառման արդյունքների մասին օպերատիվ տեղեկատվության փոխանակման վերաբերյալ,
- 3) Մաքսային սահմանով ապրանքների և տրանսպորտային միջոցների անօրինական տեղափոխում իրականացրած ֆիզիկական և իրավաբանական անձանց բացահայտման, մաքսային հսկողության տեսանկյունից ռիսկային համարվող գործընթացների շրջանակի հստակեցման, բացահայտված դեպքերի վերաբերյալ տեղեկատվության փոխանակման, իրավական փոխգործակցության վերաբերյալ,
- 4) Ֆիզիկական անձանց կողմից մաքսային սահմանով տեղափոխվող անձնական օգտագործման ապրանքների նկատմամբ իրականացվող մաքսային հսկողության և բացթողման իրավակիրառական պրակտիկայի վերաբերյալ,
- 5) Երկու երկրների միջև փոխադրվող՝ «մաքսային տարանցում» մաքսային ընթացակարգով ձևակերպված ապրանքների և տրանսպորտային միջոցների տարանցման ընթացքում ի հայտ եկող խնդիրների, դրանց հրատապ լուծումների, մաքսային օրենսդրության պահանջների պահպանման նկատմամբ հսկողության ուժեղացման հարցերի վերաբերյալ,
- 6) Ղազախստանի Հանրապետությունից և Ղրղզստանի Հանրապետությունից ՀՀ տեղափոխվող և ՌԴ Հյուսիսային Օսեթիայի մաքսային մարմիններում «մաքսային

տարանցում» մաքսային ընթացակարգով ձակերավող ապրանքների փաստաթղթային հսկողության և բացթողման հարցերի վերաբերյալ,

- 7) Երկու երկրների սահմանային մաքսային մարմինների միջև տեղեկատվության փոխանակման օպերատիվ շուրջօրյա կապի ապահովման, տվյալների արագ փոխանակման վերաբերյալ,
- 8) Հայկական համարանիշներով և գրանցման վկայականներով ավտոտրանսպորտային միջոցների նկատմամբ ՌԴ մաքսային մարմինների կողմից իրականացվող հսկողության, այդպիսի տրանսպորտային միջոցների մասին ՀՀ մաքսային մարմինների մոտ առկա տեղեկատվության փոխանակման հարցերի վերաբերյալ:

6. Հանդիպումները, ելույթները, բարձրացված կամ քննարկված հարցերը՝

ՀՀ ՊԵԿ պետական սահմանի ցամաքային անցման կետերում մաքսային սպասարկման և հսկողության վարչության պետ Արտաշես Ղամբարյանը և ՌԴ ԴՄԾ Հյուսիսկովկասյան մաքսային վարչության պետի առաջին տեղակալ Դմիտրի Շտենբերգը հանդիպմանը քննարկեցին օրակարգում ներառված հարցերը:

Օրակարգի հարցերի վերաբերյալ հանդիպման բոլոր մասնակիցների միջև իրականացվեց կարծիքների փոխանակում: Հանդիպմանը մասնակցեց նաև ՌԴ-ում ՀՀ դեսպանատան մաքսային կցորդ Վահան Հակոբյանը:


7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Հանդիպման արդյունքներով որոշվեց երկու երկրների շահագրգիռ մաքսային ստորաբաժանումների ղեկավարների միջև տեղեկատվության փոխանակման և ընթացիկ հարցերի քննարկման նպատակով պարբերաբար իրականացնել քննարկումներ, ուժեղացնել հսկողությունը մաքսային սահմանով տեղափոխվող ապրանքների մաքսային ձևակերպումների և մաքսային հսկողության ընթացքում օրենսդրության պահանջների պահպանման նկատմամբ: Ձեռք բերվեց պայմանավորվածություն սահմանային մաքսային մարմինների ղեկավարների միջև աշխատանքային շփումները ակտիվացնելու վերաբերյալ:

8" Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Պարբերաբար իրականացնել հանդիպումներ և քննարկումներ երկուստեք հետաքրքրություն ներկայացնող հարցերի վերաբերյալ, ինչպես նաև՝ տվյալների և տեղեկատվության փոխանակում օրակարգի հարցերի և դրանց լուծումների վերաբերյալ: Որպես ակնկալվող արդյունք՝ բարձրացնել երկու երկրների միջև փոխադրվող ապրանքների և տրանսպորտային միջոցների նկատմամբ իրականացվող մաքսային հսկողության արդյունավետությունը, կրճատել մաքսային ձևակերպումների վրա ծախսվող ժամանակը:


9. Ստորագրությունը, ամսաթիվը



Արտաշես Ղամբարյան



Տիգրան Մնացականյան



Հայկ Ավետիսյան



Արմեն Հարությունյան

01.07.2024թ.